

ҮНҮП КЕЛГЕН 2019 ЧЫЛ-БИЛЕ, ЭРГИМ УРУГЛАР!

НАЦИОНАЛЬНАЯ
БИБЛИОТЕКА
РЕСПУБЛИКИ ТЫВА
ИМ. А.С.ПУШКИНА

Тыва Республиканың уруглар солуну

6+



Эргилделиг чылдарывыс
Эң-не сөөлу – Хаван чыл-дыр.
Кеми-даа чок, багы-даа чок –
Кээргенчиг амытан-дыр.

Шынчызы-даа, чытчызы-даа
Шынап күштүг амытан-дыр.
Буюн-кежик тарып чоруур –
«Буруузу» ол амытан-дыр.

Тодуг-догаа, тайбың-чаагай –
Доруун-на чыл – Хаван чыл-дыр.

Халап-айыыл, думаа-ханаа
Хайыы-ла чыл – Хаван чыл-дыр.

Эвилелчи эжи дээрge,
Эзим-арга чурттуг Пар-дыр.
Хаван чылдыг улус ону
Хаайынга кертил алзын.

Хаван чылды хүндүлээли,
«Хаван сен!» деп каргашпаалы.
Харын ону алгап-йөрээп,
Хамык улус тейлеп чоруул!

ЧАА ЧЫЛДЫҢ ЕЛКАЗЫ



Тываның В. Кек-оол аттыг Национал хөгжүүм-шии
театрынга декабрь айның 25-тэ Тываның Чазааның
Даргазының Чаа чыл ёлказы болуп эрткен.

Аңаа республиканың бүгү кожууннарындан болгаш хоорайдан
өөредилгениң тергииннери, янзы-бүрү мөөрөйлерниң тиилекчилери, онзагай чорук кылган 7-14 хар чедир 760 хире уруглар, оолдар елкага келгеннер.

Тергииннери планшеттер-бile шаңнат-мактаан. Театр артистери Петр Ершовтуң тоолу «Конёк Горбунокту» чаштарга бараалгаткан. Уруглар тоолду улуг сонуургал-бile көргөннөр. Театрга оолдар, уруглар янзы-бүрү чааш костюмнөрин, маскарад хөлтерин кедип алгаш келген. Олар тоол соонда Соок-Ирей, Харжыгаш-бile чингир ногаан шивижигешти долгандыр самнап, ойнап-хөглээннөр. Ыры, шүлүк күүсеткен чаштарга Соок-Ирей биле уруу Харжыгаш чигир-чимисти сөннөп турган.

Алдынай СААЯ.

